



Bosna i Hercegovina
Federacija Bosne i Hercegovine
Kanton Sarajevo

JU Srednja medicinska škola – Jezero Sarajevo

Broj: 01-1-669/2023
Sarajevo, 17.04.2023. godine

Na osnovu člana 143. Zakona o srednjem obrazovanju („Službene novine Kantona Sarajevo“ broj: 23/17, 30/19 i 33/21), člana 156. Pravila Škole, a u vezi sa članom 100. stav (1) i (3) Zakona o javnim nabavkama BiH („Službeni glasnik BiH“ broj: 39/14 i 59/22), postupajući po Žalbi ponuđača „KULA MONT“ d.o.o. Zenica podnesenoj po punomoćniku Hodžić Adnanu, advokatu iz Zenice, Školski odbor JU Srednja medicinska škola – Jezero Sarajevo na 12. sjednici održanoj dana 17.04.2023. godine *donosi*

R J E Š E N J E

Član 1.

Usvaja se Žalba ponuđača „KULA MONT“ d.o.o. Zenica podnesena po punomoćniku Hodžić Adnanu, advokatu iz Zenice, dana 13.04.2023. godine i protokolisana pod brojem: 07-3-654/2023, a izjavljena na tendersku dokumentaciju za nabavku „Izvođenje radova na sanaciji i rekonstrukciji toaleta u JU Srednja medicinska škola – Jezero Sarajevo“ za Ugovorni organ JU SREDNJA MEDICINSKA ŠKOLA – JEZERO SARAJEVO - Obavještenje o nabavci, broj: 7068-7-3-60-3-2/23 od 11.04.2023. godine, u cijelosti kao osnovana.

Član 2.

Nalaže se Komisiji za javnu nabavku „Izvođenje radova na sanaciji i rekonstrukciji toaleta u JU Srednja medicinska škola – Jezero Sarajevo“ da u skladu sa utvrđenim nepravilnostima izvrši izmjene i dopune Tenderske dokumentacije, broj: 07-4-17-330/2023 od 11.04.2023. godine, u dijelu „2.5 KRITERIJ ZA DODJELU UGOVORA“.

Član 3.

Ugovorni organ će, putem Portala javnih nabavki, o poduzetim radnjama izmjena i dopuna Tenderske dokumentacije, obavijestiti sve potencijalne učesnike o nastavku predmetnog postupka, te će ovo rješenje biti objavljeno na web stranici Ugovornog organa.

Član 4.

Rješenje stupa na snagu danom donošenja.

O b r a z l o ž e n j e:

JU Srednja medicinska škola – Jezero Sarajevo je pokrenula postupak javne nabavke „Izvođenje radova na sanaciji i rekonstrukciji toaleta u JU Srednja medicinska škola – Jezero Sarajevo“ - Obavještenje o nabavci, broj: 7068-7-3-60-3-2/23 od 11.04.2023. godine.

Dana 13.04.2023. godine ponuđač „KULA MONT“ d.o.o. Zenica je podnio Žalbu putem punomoćnika Hodžić Adnana, advokata iz Zenice, a na tendersku dokumentaciju za nabavku „Izvođenje radova na sanaciji i rekonstrukciji toaleta u JU Srednja medicinska škola – Jezero Sarajevo“ za Ugovorni organ JU SREDNJA MEDICINSKA ŠKOLA – JEZERO SARAJEVO - Obavještenje o nabavci broj: 7068-7-3-60-3-2/23 od 11.04.2023. godine.

Žalitelj navodi da Ugovorni organ povrjeđuje Zakon o javnim nabavkama i podzakonske akte, te narušava prava ponuđača – žalitelja u predmetnoj tenderskoj dokumentaciji. Ugovorni je organ kao kriterij za dodjelu ugovora odredio ekonomski najpovoljniju ponudu pri čemu je utvrdio bodovanje (cijena i garantni rok). Žalitelj smatra da bodovanje nije usklađeno sa Zakonom o javnim nabavkama i da je objavljivanjem tačno navedenih godina i broja bodova povrijeđena transparentnost i jednak odnos prema svim ponuđačima iz razloga što je prema kriterijumu za garantni rok Ugovorni organ tačno naveo koliko ponuđeni broj godina donosi bodova. Žalitelj ističe da će svi ponuđači koji budu učestvovali ponuditi rok sa najviše bodova, pa je samim tim kriterij ustvari najniža ponuda što nije u skladu sa Zakonom o javnim nabavkama.

Školski odbor JU Srednja medicinska škola – Jezero Sarajevo je, na 12. sjednici održanoj 17.04.2023. godine, konstatirao da je žalba blagovremena, dopuštena, izjavljena od ovlaštenog lica i lica koje ima aktivnu legitimaciju.

U cilju pravilnog i potpunog utvrđivanja činjeničnog stanja, Školski odbor je zatražio detaljno obrazloženje Komisije za javnu nabavku „Izvođenje radova na sanaciji i rekonstrukciji toaleta u JU Srednja medicinska škola – Jezero Sarajevo“. Član Komisije za javnu nabavku Babačić Hazbija je upoznao Školski odbor da je predmetnom tenderskom dokumentacijom kao kriterij za dodjelu ugovora predviđena ekonomski najpovoljnija ponuda, pri čemu je određeno bodovanje (cijena i garancija na radove). Objavljivanjem tabele za bodovanje i ograničavanjem garantnog roka narušen je princip odabira ekonomski najpovoljnije ponude koji je time sveden na kriterij najniže cijene.

Nakon detaljne analize žalbenih navoda i dodatnog obrazloženja člana Komisije za javnu nabavku, Školski odbor je zaključio da je Žalba ponuđača „KULA MONT“ d.o.o. Zenica podnesena po punomoćniku Hodžić Adnanu, advokatu iz Zenice, dana 13.04.2023. godine i protokolirana pod brojem: 07-3-654/2023, a izjavljena na tendersku dokumentaciju za nabavku „Izvođenje radova na sanaciji i rekonstrukciji toaleta u JU Srednja medicinska škola – Jezero Sarajevo“ za Ugovorni organ JU SREDNJA MEDICINSKA ŠKOLA – JEZERO SARAJEVO - Obavještenje o nabavci, broj: 7068-7-3-60-3-2/23 od 11.04.2023. godine, u cijelosti osnovana.

Na osnovu navedenog, a u skladu člana 143. Zakona o srednjem obrazovanju („Službene novine Kantona Sarajevo“ broj: 23/17, 30/19 i 33/21), članom 156. Pravila Škole i članom 100. stav (1) i (3) Zakona o javnim nabavkama BiH („Službeni glasnik BiH“ broj: 39/14 i 59/22), Školski odbor je donio Rješenje kao u izreci.

Pouka o pravnom lijeku: Protiv ovog rješenja može se izjaviti žalba Uredu za razmatranje žalbi, putem ugovornog organa, u roku do deset (10) dana od dana prijema Rješenja.

Predsjednik Školskog odbora:

Merima Mašić, dipl. ing.

Dostaviti:

1. “KULA MONT” d.o.o. Zenica putem advokata Hodžić Adnana iz Zenice, ul. Branilaca Bosne 8, 72 000 Zenica,
2. Komisiji za javnu nabavku „Izvođenje radova na sanaciji i rekonstrukciji toaleta u JU Srednja medicinska škola – Jezero Sarajevo“,
3. Ponuđačima koji su preuzeli tendersku dokumentaciju na Portalu javnih nabavki,
4. Oglasna ploča/web stranica Škole,
5. U dokumentaciju Školskog odbora,
6. Arhiva.



**Bosna i Hercegovina
Federacija Bosne i Hercegovine
Kanton Sarajevo**

JU Srednja medicinska škola – Jezero Sarajevo